



Selasa, 25 Agustus 2023

Ogen : 1 Samuel 25: 14-17



Nggit Ertimbang



Geluh si idalani kita paksa enda eme sada asil keputusan si nggo pernah si buat. Kai pe keputusan si nggo ibuat, maka arus kita siap ngaloken ras ngelakoken konsekuensi arah asil keputusan ta e. Keputusan e me salah sada bagin si penting si rusur lit ibas kegeluhenta terlebih adi kita iperhadapkan ku bas pilihan ras permasalahan. Guna muat sada keputusan labo nukah. Emaka iperluken sada pertimbangan guna melandasi pengambilan keputusan e. Pertimbangan e banci saja reh arah pengalamen dirinta jine ras banci saja reh arah kalak sideban ntah pe masyarakat luas.

Asum Daud jadi buronan Saul, maka ia ras tenterana tading i bas ingan si mesawang janahna cebuni, ije ka ia njagai asuh-asuhen kalak si lit i bas taneh e eme sikerajangen Nabal. Asum ibegi Daud arah tenterana maka Nabal sangana nggungting mbulu biri-birina (i bas tradisi nggungting mbulu biri-biri eme paksa meriah ukur ngalo-ngalo temue), maka ipeseh Daud me tenah janah atena erthemue. Tapi si terjadi maka Nabal megombang janah la atena ngalo-ngalo Daud. Emaka murkas Daud janah atena nerang Nabal.

Sekalak suruh-suruhan Nabal ngerana man Abigail, ndehara Nabal kerna kejadiin e. Emaka kenca ialokenna pertimbangan suruh-suruhan e, Abigail mutuskensa maka isikapkenna pangan guna ibereken man Daud janahna mindo perkuah ate Daud. Payo maka arah pertimbangan ras keputusan Abigail enda, maka la surung Nabal ras keluargana iserang Daud. Kuan-kuan kalak Karo "sik-sik lebe maka tindes" tentu jadi ajar man Moria maka ertimbanglah lebe alu mbages ope lenga erban keputusan. Jadilah Moria si bijak!



[The main body of the page is a large, blank white area with a wavy top edge, intended for writing.]